SCRIPT OF MORNING GOJRI NEWS BULLETIN 12APRIL 2025 1015HRS

مارننگ گوجری نیوز بولیٹن12اپریل2025

یوہ آکاشوانی جموں ہے عبدالرحمان تیں خبر سننو۔ *********

TERRORISTS KILLED

کشتواڑ گا چھاترو جنگلاتی علاقہ مانہہ جاری دہشت گردی مخالف کاروائی مانہہ مزید ۲ پاکستانی دہشت گرد ماریا گیا ہیں۔ اس تیں پہلاں وی ایک دہشت گرد نناہہ سلامتی دستاں نے ہلاک کردتو تھو۔خراب موسم غے باوجود وی بڑی تعداد مانہہ ہتھیار گولہ بارود تے دھماکہ خیز مواد برآمد ہوا ہیں۔ اُتوں ایک اے کے رائفل تے ایک ایم ۴ رائفل وی ملی ہے۔کاروائی اجیں وی جاری ہے قابل ذکر گل یہ ہے کہ مخصوص خفیہ اطلاع غی بنیاد ور ۹ اپریل نانہہ چھاترو غا جنگلاتی علاقہ مانہہ دہشتگرد مخالف کاروائی شروع کی گئی تھی۔

LG AYODHYA PARV

لیفٹینت گورنر منوج سنہا نے ایودھیہ پرو ۲۰۲۰ سنگ خطاب کیو ہے جہیڑو کل نویں دلی مانہہ ثقافت بارے اندرہ گاندھی قومی مرکز جی این سی اے شری ایودھیہ نیاص تے پراگیا سنستھان غا اشتراق سنگ منعقد ہوو۔ لیفٹینٹ گورنر نے ایودھیہ غی عظمت واسطے وقف اس ترے روزہ ثقافتی جشن سنگ وابسطہ تمام افراد نانہہ مبارک باد پیش کی۔ اُنہاں نے کہیو جے ایودھنیہ محض ایک جغرافیائی مقام نہیں بلکہ رو حانیت اچھی حکمرانی تے بھرپور ثقافت غو کہوارو ہے۔پربھو شری رام غی جائے پیدائیش مہاری شناخت ہے مہاری وحدت غی علامت ہے تے یوتر مزہبی مقامات وچون ایک ہے۔ لیفٹینٹ گورنر نے اس گل ور زور دتو جے آیو دھیہ قدیم بھارت غی نرم قوت رہی ہے۔

DY CM

نائیب وزیر اعلی سریندر چودھری نے کل جموں مانہہ محکمہ محنت روز گار غاکم کاج غو جائیزو لین واسطے ایک جامع میٹنگ منعقد کی محکمہ نے بکھ بکھ سکیماں غے تحت اپنی پیش رفت تے حصو لیا بیاں نانہہ اُجاگر کرتا واں ایک پاور پونٹ پریز یٹنشن دتی اُنہاں نے دسیو جے محکمو ۱ لکھ ۵، ہزار نیوانٹر پریز شپ یعنی کاروبار قائم کرن غو ارادو رکھے جہیڑہ کہ ۱، لکھ روپیاں تیں کہٹ غاوینگا تے درکواست دہنگان تیں کسے ضمانت غی ضرورت نہیں وے کی مشن یوووہ غ وکُل بجٹ ۱ ہزار ۸ سو ۳، کروڑ روپیہ ہے نائیب وزیر اعلی نے حکومت غی طرفوں نافز کی جان آلی بکھ بکھ محنت کشاں غی فلاحی سکیماں غے متعلق بیداری پیدا کرن غی ضرورت ور زور دیتا واں کہیو جے یہ ضرورت ور زور دیتا واں کہیو جے یہ ضرورت ور زور دیتا واں کہیو جے یہ اقدامات ہدف شدہ آبادی توڑی فائدہ پُجان مانہہ مدد گار ثابت وینگا بعد مانہہ کہیو وزیر اعلی نے کئی وفود سنگ ملاقات کی۔ جنہاں نے اپنا مسائل پیش کیا تے اُن غا اذالہ غی درخواست کی۔

ARCHIVES DIGITIZATION

ٹرانسپورٹ غا وزیر ستیش شرما نے گزشتہ روز جموں کشمیر مانہہ محفوظ شدہ ریکارڈ ز نانہہ مکمل طور ور ڈیجیٹائز کرن غی ضرورت ور زور دتو۔ وزیر موصوف جموں گا کنونشن

مرکز مانہہ شروع ہون آلی نیشنل کمیٹی آف آر چیوز غی ۲ روزہ ۹۴ ویں میٹنگگا افتتاحی سیشن غامہمان خصوصی تھا۔اس موقع ور خطاب کرتا واں اُنہاں نے جموں کشمیر مانہہ تاریخی ریکارڈ تے ثقافتی ورثہ نانہہ ڈیجیٹل طریقہ تیں محفوظ کرن واسطے کوششاں نانہہ سہرایو۔اُنہاں نے کہیو کہ سرینگر تے جموں مانہہ آر چیوز غی ڈیجیٹارزیشن ایک اہم سنگ میل ہے۔ جہیڑی ریاست غی قیمتی تاریخ نانہہ محفوظ کرن غی جانب ایک بڑو قدم ہے مرکزی وزیر برائے ثقافت گجیندر سنگھ شکھاوت نے وی اس پروگرام مانہہ آن لائین شرکت کی۔

PAINTING EXHIBITION

ٹرانسپورٹ غا وزیر ستیش شرما نے گزشتہ روز کلا کیندر جموں مانہہ ترے روزہ مصوری غی نمائش غو افتتاح کی وہے جس مانہہ مصروف مصود منیر علی خان غ اشاندار فنپاراں غی نمائش کی گئی یاہ نمائش کلا کیندر جموں گی طرفوں منعقد کی جارہی ہے جس مانہہ خان گا متنوع تے منفرد فنکارانہ نطریہ نانہہ اُجاگر کرن آلا فنپاراں گا مجموعہ پیش کیا گیا ہیں اس موقع ور خطاب کرتا واں وزیر موصوف نے ثقافتی شناخت غی تشکیل مانہہ فن غی اہمیت تے آن آئی نسلاں نانہہ متاثر کرن آلا اس غا کردار ور دور دتو کلا کیندر غا سکریٹری ڈاکٹر جاوید راہی نے ا ستقبالیہ کلمات پیش کیا۔

BY POLL SUMMARY REVISION

بھارتیہ چناؤ کمیشن غی ہدایت غے تھٹ ۲ اسمبلی حلقاں ۷۲ بڈگام تے ۷۷ نگروٹہ واسطے خصوصی ووٹر فہرست نظر ثانی ۲۰۲۵ غی سرگرمیں تیزی سنگ چل رہی ہیں۔ان دواں حلقاں واسطے مربوط مسودہ انتخابی فہرست پہلاں ہی ۸ اپریل ۲۰۲۵ نانہہ شائع کی جاچُکی ہے۔ جس مانہہ پہلی اپریل ۲۰۲۵ نانہہ نطور اہلیت بارے تاریخ مقرر کیو گیو ہے دعوہ تے اعتراضات جمع کروان غو عمل ۴۲ اپریل نانہہ مکمل ہو جے غو اعتراضات غی جانچ پڑتال ۲ مئی ۲۰۲۵ تک کی جے گی۔ تے حتمی انتخابی فہرست ۵ مئی ۲۰۲۵ نانہہ شائع کی جیں گی۔

JAL JEEVAN MISSION

مشن ڈائریکٹر جل جیون مشن جموں ۔ خودشید احمد شاہ نے گزشتہ روز جل جیون شکتی ڈویزنل جموں صوبہ غی ایک جائیزہ میٹنگ مجازی طور منعقد کی۔ اس میٹنگ مانہہ محکمہ جل شکتی جموں غ چیف انجنیرز سول تے مکینکل ڈویزن غا ایگزیکیٹو انجنیرز تے متعلقہ سرکلاں غا سرنٹنڈنگ انجنئیر نے شرکت کی۔ مشن ڈائریکٹر نے خطہ مانہہ پائیپ لائین میپنگ غی رفتار غا بارہ مانہ دریافت کیو تے انجنئیز نانہہ ہدایت دتی جے وے اپنا متعلقہ ڈویزناں مانہہ کم غی رفتار نانہہ تیز کریں۔
